



UNIVERSITÄTS-
BIBLIOTHEK
PADERBORN

Ocylvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. VII. Oculi eiusq[ue] partium magnitudo.

[urn:nbn:de:hbz:466:1-71258](#)

FUNDAM. OPTICI,

Figuram Cristallini humoris circumcincti, & Retinæ
arque Hyaloidis, nec non Araneæ tunicarum, pectines radiosū di-
sceratrum, habes in adiecto schemate R S T V
X Y Z: in quo R S T V est humor Cristallinus,
vnâcum Araneæ crassitie, Zona R T subalbicans
est spissitudo Procerum Ciliarium, ex qua ra-
diosi pectines vndique descendunt, in Retinam
implexi, ad X & Y usque; Hyaloideos & Retinæ
sectio secundum crassitatem indicatur albo ambitu litteris R X Z
Y T consignato.

OCVLI HVMANI EIVSQVE PAR-
TIVM MAGNITVDO.


CAPUT VII.

Sicut oculi magnitudo in diuersis hominibus diuersa est, ita
partes eius hactenus enumeratae, eandem inter se per omnia
in quous oculo rationem non habet, sed quandoque maio-
rem, quandoque minorem: reperies enim multos homines gran-
di pupillâ, oculo paruo; & vicissim oculo magno, paruâ pupil-
lâ, &c. Nihilominus tamen si, ut plurimum accidit, decernere fas
sit, sequentes fermè magnitudinum proportiones iniri possunt.

Maximus in oculo circulus est is, in quo centrum oculi iacet,
quod cum centro Sclerodis conuenit. Huius autem circuli dia-
meter maior est in oculis adultorum, minor in infantium, inæqua-
lis tamen & instabilis quantitatis in utrisque.


Diameter circuli qui Corneâ tunica tanquam basis termi-
nat siue Chorda quæ tunice Corneæ arcum maximum subtendit,
latere hexagoni maximo oculi circulo inscripti, vix est minor, la-
tere tetragoni eidem inscripti vix maior. Mentem meam ex ad-
iecto schemate percipes. Ex A oculi atque Sclerodis centro,
descriptus sit maximus oculi circulus BCD, & sit Chorda BC
æqualis

æqualis semidiametro circuli eiusdem BCDE, quæ est breuissima distantia inter A & B, eritq; idcirkò ipsa latus hexagoni circulo inscripsi: sit DE, latus pentagoni: & FG, latus quadrati circulo A, inscripti; Diameter igitur basis Corneam subtendentis hiscè metis terminari videtur. Quod sic deprehendes absque ullo errore, saltem sensibili.



In promptu habeto multos globulos vitreos perfectè sphēricos seu cauos, siue solidos, perinde est, horum beneficio magnitudinem tunicę Corneę oculi cuiuslibet sic explorabis. Statue nee ex-hominem, cuius oculum exploras, contra fenestram aliquam, aut ploratę! aliam rem quampiam, cuius species à Corneā tunicā facilè & fortiter reuerberetur; est enim ea instar speculi conuexi. obiectum igitur reflexum, vbi intuitus fueris, tunc iuxta oculum eundem, secus tempora ad angulum siluestrem adhibe vnam ex sphærulis vitreis, quę similiter fenestram rejicit uti tunica Cornea, illa ergo quę tantam fenestram resert, quantam tunica Cornea, eiusdem utique magnitudinis erit, cuius esset integra Corneę tunicę sphēra; propterea, quod omnia sint pariā, distantia, obiectum, oculus intentis idem: necesse igitur, superficies idem obiectum æqualiter reuerberantes, æqualium esse sphærarum portiones. Hoc atificio explorabis quorumuis hominum oculos, easdem an diuersas magnitudine tunicas Corneas gestent, &c.

Fenestra ABCD, iaciat in Corneam EF, specieę GH, & huic æqualem IK, in globulum vitreum L; oculus igitur arbiter hominis alterius M, si ex æquali distantiā MG, atque MK, utramque videat fenestras imaginę GH, & IK, cęqualem, rectè concludit ratio,




conuexitatem HG, superficie Corneę, & qualēm esse conuixitati KI, superficie globuli L; quia cetera omnia sunt paria, ut patet ex Hypothesi, & constat ex arcu LN, descripto ex O, fenestrae centro: qui necessario transibit per N & L, centratunicae Corneę & vitreoglobuli, &c.

Facile autem vel ipso oculo tuo videbis & qualitatem vel inaequalitatem imaginum è Cornea tunica & vitrea sphērula reflexarum; aut certè eisdem circini ambobus acuminibus accurate deprehendes. Habita tunice Corneę magnitudine, Sclerodem & alias oculi partium magnitudines, ex dictis & dicendis facile assequeris.

Corneę tunice substantia è tribus minimum membranis coalescit, anteriore, media, interiore. Anterior ex Adnatā atque Musculotum tendinibus in tenuissimas membranas desinentibus originem videtur sumere, & est membrana tenuis, pellucida, lenta atque viscosa. Media est ipsa Sclerodes tunica propagata perspicua; interior seu postrema tenuissima est pellicula, Araneę per omnia similis duriuscula & exquisiti laevores si exempta siccessit, rigida fit, & digitis contrectata strepit. Crassities Corneę ubiq; est eadem, & vnguis humani quasi dupla. Hinc diameter circuli concentrici illius superficii subtensi, est prioris sublesquisima circiter, quæ eadem est diameter humoris Aquei secundum latitudinem Corneę infusi, nam quæ secundum altitudinem, est portio axis optici inter Corneam & Araneam anteriorem intercepta, videturq; prioris esse sub sextupla. Ut patet in figurā; in qua ABCDFE, est tunice Corneę per medium sectę crassities; anteriorē membranam refer arcus linearis ABC, anteriorē EFD; mediam substantiam, arcus albus inter nigros interceptus. Diameter Corneę maxima est AC, minima ED. Humor Aqueus inter Corneam & Cristallinum conclusus est Zona EFD. Cetera patent. Nam EFD, est portio anterior Cristallini humoris.

Crassities Vix tunicę, eiusdem etiam, non est eadem; ex eo enim quia explicatur & cortugatur, tenuior aut crassior evadit; ob eandemq; causam curvitas est instabilis, subtensam tamē basin



basi eandem habet magnitudine medianam inter eam quæ Aqueū, & quæ humorem Cristallinum subtendit, semperq; in eodem tam cum ipsis quam cum Processibus ciliaribus plano iacet. Sic Cry-
stallini sectio ABC, Processus Ciliares AD, & CE, à quibus Vuea exporrigitur quandoque in F & G, & tune foramen Vuæ est paruum FG, eiusq; crassitu-

do HF & GI extenuatur, quandoque contrahitur ad H&I, & pupilla est HI magna, quo casu Vuea corrugata DH, & EI fit crassior. corrugationis & complicationis signum est eu-
dens, quia colores Vuæ insiti in contractione occultantur, sub
plicis videlicet, in explicatione rursus prodeunt. Experimentum
cuius obuium: ut patebit huius libri parte 2. c. 1. Diameter baseos
per planum Cristallini incedens est recta DE; minor Diametro
Corneæ, seu humoris Aquei, maior Cristallini.

Cristallinus è duobus maioris & minoris sphæræ segmentis ad vnam communem circularem basin compingitur, maioris mi-
nus antrorsam, minoris maius introrsum vergit; latior est quam profundior instar lentis. Vnde diameter in basi communis iacens, maior est ea, quæ basi ad rectos insitit; illa ad diametrum ciliarium Processum se habet ut 3. ad 4. hæc ad hanc etiam ferè ut 3. ad 4. vt videre est in adiecto Schematio. In quo AB est Diameter Processum ciliarium, CD diameter Cristallini transuersa seu latitudinis: EF, directa seu profunditatis.

Processum ciliarium diameter conuenitatis est eadem linea, quæ arcum tunicae Corneæ maximum subtendit; concavitatis eadem, quæ est diameter circuli Araneam utramque tam anteriorem quam posteriorem subtendentis. Semidiameter magnitudo Araneæ interioris, est dimidium diametri transuersæ: eo quod ipsa superficiem hemisphæricam adæquet.

Diameter tunicae Sclerodis est dupla diametri Corneæ, aut paullo maior, dupla nimirum sesquiescta.

Diametri Choroidis, Retinae, Hyaloidis, atque humoris Vitrei, tanto sunt breviores, quanto dictæ tunicae crassiores, semper enim exteriores tunicae, sibi inclusis aliquid amplitudinis demunt ob suam crassitatem.

Humoris
Cristalli-
ni corpo-
lentia.

Proces-
sus
Cilia-
rium.

ma.



Magnitudines humorum ex his vtcunque deprehendi valent, interim experientia etiam adhiberi potest. Ego oculum taurinum adhuc calentem cautè aperui, Aqueumq; humorem prouide in Sphærulam vitream excepī, quam semel totam, deinde diuidim ad eo impleui, tum intrusi humorem Cristallinum ex eodem oculo, & Sphærulam præcisè totam occupauit. itaq; Aqueus humor esset ad Cristallinum in proportione sesquialtera. Viterbus vtrumque longè excedit. Sed quanto nunquam tentauī. Poterit hoc quiuis proprio marte, labore non magno experiri. Hoc interim aduertas velim, humores istos præferrim Aqueum & Vitreum non semper eadem quantitate sinus suos implere, pro variis enim animalis temperie ipsi augmentur & minuuntur, hoc dum corpus nimium arescit, illud dum plus æquo humectatur; hominibus enim multo vino madidis oculi plerumque turgent, quo fit vt Cornea tunica Aqueo humore distēta instar speculi niteat: quod idem iuuenibus ob humoris abundantiam accidit, qui propterea semper renidentes oculos habent. Senibus contra, aut mārentibus, vel fame sitiue confectis, nitor oculorum hebescit, quia Cornea tunica, deficiente humore Aqueo non nihil remittitur, confiditq; , quo fit vt terzo illo lœuore spolietur. Nimius humorum istorum affluxus dolorem oculi è tunicarum distensione generat. Quod manu vniusquisque explorare potest, rigescit enim bulbus oculi ita vt digitis attractantibus instar pilæ vento inflatæ contumaciter resistat, quod non facit humorum mediocritate satur. Distensio illa dolorifica est comes frequentissima Catharrorum. Sed hæc Medicis relinquamus.

SITVS ET COLLOCATIO ISTA. RVM PARTIVM.

CAPUT VIII.

Funda-
mentum
istud

EX allatis de situ atque collocatione istarum partium haud erit difficile iudicare, si certum fundamentum, experientiā ipsā stabilitum, & communi doctorum auctoritate comprobatum